



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Codex traditionvm Corbeiensivm**

**Falcke, Johann Friedrich**

**Lipsiae ; Gvelpherbyti, 1752**

§. 4. De comite Immado et bonis traditis in Widisleve in pago Hardego.

**urn:nbn:de:hbz:466:1-36114**

## §. 4.

*Ymmadus comes* (h) tradidit quidquid habuit de proprio in uilla *uuidisleue* in pago *hardego* (i) cum hominibus his nominibus ratbert lansuit hadubret odilred suuanegard lentghard beio unn isti sunt testes leutheri rainuard hrodulf marculf hrodhard abbo uuiglef hripo alfdag iuo odag rainold hrodhard mainbred.

gubernante Corbeiam Adalardo.

## §. 5.

lant. Ex qua denominatione non inepte conicere placet, locum istum burgo, castro seu castello, in altissimo monte sito, uti more Saxonum castra constituebantur, praeditioris fuisse. An recentiores historici illud castrum in *Harminii-burgum* mutarint, parum nobis verisimile videtur. Interim Ernestus Casimirus Wasserbachius in disert. *de Statua Harminii, Harminii-burgum* in comitatu Pyromontano pro celeberrimo *Eresburgo* venditauit, et inde conclusit, *Irmenfulam*, celebratissimum Saxonum idolum, Cheruscorum ducis Harminii simulachrum fuisse. Quemadmodum vero hanc opinionem nullo niti fundamento, demonstraturi sumus, ita, Deo dante, Chronicon quoddam vetustissimum ex codice authentico, qui in Archiuo Corbeiensi exstat, in lucem proferemus, e cuius verbis euidentissime palam fiet, *Irmenfulam* neque ducis Harminii simulachrum fuisse, neque in alio loco, quam *Eresburgo* nostro, quod hodie nominatur *Stadberge*, stetit. Quibus ipsis sententia et Reineccii et Eccardi et aliorum, *Irmenfulam* in montes Teutonicos intra comitatum Lippensem ponentium, corrueat. Si autem *Scitira* fuit burgo seu castrum, in altissimo monte situm, inde potest colligi, illud non esse hodiernum *Schier*, quod splendidissimum palatium est Dominorum Comitum, de Lippia dictorum, sed aliud quoddam, inter desolata castra Saxoniae referendum, castellum, quod vel *Butonis* comitis proprium fuit, vel cui Buro a Carolo M. ad illud custodiendum erat impositus.

(h) *Immadus comes* proprii quid possedit in pago *Hardego*. Infra §. 29. et §. 42. in De comite Falbon. An ad stemma Widikindeum ipse pertineat, nomenque tribui *Immedingiorum* dederit, pro certo tibi dicere non possumus. Fortasse erat filius *Widekindi M.* fraterque *Wiberti*, cuius pronepos, abnepos, et atnepos nomen *Immedi* sortiti fuerunt. Sane haec adfirmatio veritati non plane dissimilis videtur, quum §. 231. Immo quidam inter propinquos matronae *Foleleg*, coniugis comitis *Bevonis* fratris ducis *Luidolfi* ex stemmate *Widekindi M.* oriunda, referatur, qui huius *Immedi* filius esse potuit, a quo *Immed* filius *Reginberni* et *Matbildis* aui et auiae reginae *Matbildis* nomen accepit, de quibus plura in sequentibus proferre animus est.

(i) Pagum *Hardego*, et, uti in diplomatibus quibusdam nominatur, *Harteri*, *Hardego*, *Hartingo*, *Hartgo*, *Harágo*, *Harthagewi* et *Hartbega*, nomen accepisse a sal-Hardego. tu, qui vocatur *Harz*, quique olim Saxoniam et Thuringiam diuidebat, res ipsa loquitur. In hoc pago erat fluuius *Bade* (Bode), utraque *Groninga*, *Winitobus* monasteriolum (hodie dictum zum Thale ad Bodam non procul ab oppido Blankenburgo) *Darneburc* (Derenburg in principatu Halberstadiensi inter Halberstadium et Wernigerodam urbes) *Badveldum* (Bodfelden ad Elbingerodam oppidum), *Rediborum* (Redber), *Abbenrod* (Appenrode ad desolatum monasterium Illenburg pertinens) *Uplingi* (Uplingen), *Revesheim* (Roresheim in principatu Halberstadiensi), *Nethidorp* (Neindorf), *Ilfneborg* (Ilfenburg), et aliae, quibus iam villam *Widisleue* haec addunt traditiones. Hanc esse eam villam, quae in Corbeiensibus nostris ad annum 1167 *Widesleue*, ad annum 1333 *Weddesleue*, et 1351 ac 1471 *Weddersleue* nuncupatur, olimque a comitibus de Regenstein possidebatur, hic non est, quod adducamus. Illud a scopo nostro alienum non videtur, si monuerimus, quod villae *Uplingi* et *Revesheim* etiam in pago *Derlingi*, qui pago *Hardego* contiguus erat, ponantur, de quibus villis infra egimus copiosius. Si ea etiam vera essent, quae Frid. Lucae in *Grafen-Saal* p. 156. asserit, castrum *Hartingau*, quod olim sedes comitis seu iudicis in pago *Hardego* fuit, et anno 1034, testante Lamberto Schafnaburgensi, destructum est, in colle ante urbem Halberstadium stetit, cuius reliquiae sint ipsa ecclesia S. Iohannis, domicilium nostri *Immedi* comitis, ante Halberstadium urbem.

(k) Villa